

چیتک محاکمات

۱۲۹۰

صالی

۱۳۵

نومرو	صفر	سنه	كانون اول	سنه	صيفه
۱۳۰	۱۳	۱۲۹۹	۲۲	۱۲۹۷	۱۰۳۳

اشبو غزته بهر هفته صالی کونلری چیتکار . سنه لکی مجیدی ایچہ الشمس غروشدر بهر نسخہ سی الشمس
 پاره مجیدی به اوله ق هر برده صاتیلور . درج اولنه جق اعلاناتک بهر سطرندن ایکی غروش النور .
 سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر

(عدلیه نظارتندن فی سلخ ذی الحجہ سنه ۹۸)
 (وفی ۱۰ تشرین ثانی سنه ۹۷ تاریخنده)
 (در سعادت وبالجمله مدعی عمومیلره یازیلان)
 (عموم صورتیدر)

مواد جرمیه ده هیئت اتهامیه مضبوطلری علیهنه
 تقدیم اولنه جق مفسوخیت ادعا نامه لریک اصحابی
 طرفندن محاکم کتبه سنه ویرلسی لازم کله جکی
 ووریلنجہ باش مدعی عمومیلکه ارسالی لازم کله جکی
 اصول محاکمات جزائیہ قانون موقتک ایکیوز الی
 بشنجی ماده سنده مسطور بولندیغندن بعض محاکم
 کتبه سی ماده مذکوره نک معنای صحیحی اوزرینه
 تعقیق فکر ایتیدرک اومقوله ادعا نامه لریک طوغریدن
 طوغری به مأموریت مشار الیه یه کوندر مکده
 اولدقاری مشاهده اولنیور حالبوکه مذکور ادعا نامه
 لریک کتبه یه اعطاسی مجرد معامله قیدیہ رساره
 سنک اجرایی مقصدینه مبنی اولدیغی کبی مذکور
 ماده کتبه معرفتیه طوغری دن طوغری یه

(توجیہات عدلیه)

صاروخان سنجانی بدایت محکمه سی جزا دائره سی
 ریاستی مدلاو بدایت محکمه سی جزا دائره سی ریاستی
 سابق مکرماتو جمال الدین بکه
 مدلاو بدایت محکمه سی جزا دائره سی ریاستی احد
 جمال افندی یه

موصل بدایت محکمه سی مدعی عمومی معاونلکی سعرد
 بدایت محکمه سی مدعی عمومی معاونی سابق حمید
 افندی یه

سعرد بدایت محکمه سی مدعی عمومی معاونلکی موصل
 بدایت محکمه سی مدعی عمومی معاونی سابق امین
 بکه توجیه بیورلشدر

کوندریله جکته دائر بر کونه عبارته بولندیغنه
و واسطه مخا بره ایسه مدعی نومیلر بولندیغنه بنا
بعدهما محاکم کتبه سنک ویریه جک مفسوخیت
ادعایه لری هیئت اتهامیه مضبطه سی واوراق ساره
مفرعه سیله بر اشدر یله رک دعواسی مرکز استیناف
محکمه سنده کور یله جک ایسه کاتب طرفندن محکمه
مذکوره نزدنده کی مدعی عمومی به واکر لواده رؤیت
اولنه جق ایسه لوامدعی عمومی سنه ویریه رک انک طرفندن
دخی بالتسلسل استیناف مدعی عمومی بنه کوندرسی
ومدعی عمومی مومی الیهم طرفندن بلا تأخیر و برنجی
یوسته ایله باش مدعی عمومی ملک مأموریت بهیه سنه
ارسالی لازم کله جکی خصوصتک تعمیماً اشعاری
مأموریت مشار الیه مان افاده اولمش و ایجاب ایدنره
وریلک اوزره اشوت تحریراتک نسخ مصدقه کافیه سی
لقاً ارسال قلنمش اولغله بعدما منوال مشروح دائره سنده
ایفای معامله یه همت اولنسی سیاقنده

- (عدلیه نظارت جلیله سنندن فی سلخ محرم سنه)
- (۹۹ وفی ۱۰ کانون اول سنه ۹۷ تاریخنده)
- (در سعادت و بالجمله ولایات محاکم استینافیه سی)
- (مدعی عمومی لکر ینه یازیلان عموم صورتیدر)

مستطقی طرفندن ویریه جک قرار نامه لر علیه
ایدیه جک اعتراض ایچون اصول محاکمات جزایه
قانون موقتک یوز او تونجی ماده سنده تعیین اولنان
مهلا رک تعددی جهتله معاملات جاریه جبه بونلرک
تطبیق واستعمالده تردد اولندیغندن و خصوصیه
لوامدعی عمومی لکر ینه مرکز لواده وقوعه جق
افعال جزایه اوزرینه مستطقل طرفندن ویریه جک

محاکم استینافیه سنه مر بوط اولوب قضا مدعی
عمومی لکر ینه دخی لوامدعی عمومی لکر ینه ولوامدعی
عمومی لکر استیناف مدعی عمومی لکر ینه تابع بولندیغنه
وتشکیل محاکم قانونک یکر می او چنجی ماده سی
حکمنجه مرکز لوامرکز ولایت بدایت محکمه لکر ینه
وظیفه بدایتجه صلاحیت لری قضا محکمه سی درجه سنده
ارلدیغی جهتله نزدنده مأمور اولان مدعی عمومی لکر ینه
دخی نفس مرکز نظرأ بالطبع قضا مدعی عمومی لری
مقامنده اولدقلر ینه مبنی مرکز مأموریت لری مستطقلری
طرفندن اعطا اولنه جق قرار نامه لر علیه مدت
اعتراض لری قضا مدعی عمومی لری کی یکر می درت
ساعتدن ولوایه ملحق قضا مستطقلری جانندن
ویریه جک قرار نامه لر حقهنده ایسه اون کوندن عبارت
بولنه جی کی مرکز ولایت استیناف مدعی
عمومی لکر ینه دخی مرکز ولایت ایله مرکز لوامدایت
محکمه لری مستطقلری طرفندن ویریه جک قرار نامه لر
حقهنده انجق تاریخ اعطاردن اعتباراً اون کون طرفنده
اعتراض ایدیه جکی درکار بولمشدر
شوقدر وارکه مخصوص مدعی عمومی لکر ینه بولنمان
فضالده یالکر جنایاتدن مظنون علیه بولنانلرک منع
محاکمه لری اوزرینه تخلیه سبیل لری نه دائر ویریه جک
قرار نامه لرک مارالذکر یکر می درت ساعتک انقضاسنده
اجرا ایدیه میوب بو بایده عائد اولدیغی لوامدعی
عمومی سنک اعتراض ایدوب ایتمیه جکی آکلا شلق اوزره
اول امرده اوراق مفرعه سیله معاً لوامدعی عمومی سنه
کوندرسی اقتضا ایدیه جکی فی ۲۳ جادی الاولی
سنه ۹۷ وفی ۷ رجب سنه ۹۷ تاریخنده
سطیر اولنان تحریرات عمومی لکر ینه بیان اولندیغندن
رمنوال محرر مدعی عمومی بولنمان قضا درده وقوع
ولان جنایاتدن طولای اصول محاکمات جزایه
قانونک یوز یکر می او چنجی ماده سی حکمنجه

ویریه جک قرار نامه لر حقهنده محررات مذکوره
حکمنه توفیق معامله اولنق لازم کله جکی مستغنی
تفصیل بولندیغندن بعدما صور مشروحیه توفیقاً
حرکت ایدلک اوزره کیفیتک تعمیماً اشعاری باش مدعی
عمومی ملک مأموریت بهیه سنندن افاده قلنمش واش-بو
تحریراتک نسخ مطبوعه کافیه سی اصولی وجهله
لازم کلنره بلیغی ضمنده لفا کوندرمش اولغله اول
وجهله ایفای مقتضای سیاقنده

- (عدلیه نظارت جلیله سنندن فی ۳ صفر سنه ۹۹)
- (وفی ۱۲ کانون اول سنه ۹۷ تاریخیه ولایات)
- (محاکم استینافیه سی مدعی عمومی لکر یه الویه)
- (مستقله مدعی عمومی معاون لکر ینه نسطیر)
- (پیوریلان تحریرات عمومی صورتیدر)

اصول محاکمات جزایه قانون موقتک در تیوز قرق
بشنجی ماده سی موجبجه محاکم جزایه حقهنده
حکم قطعی لاحق اولان بالجمله محکومینک کوندر-
یلان نمونه به توفیقاً اسم و شهرت و سن و صنعت و محل
اقامت لریه ملیت و تابعیت لری حاری اوله رق بهر اویج
آیده بر کوره تنظیمی لازم کلان دفاترک صورت
مصدق سنندن بر قطعه سنک طوغریدن طوغری
عدلیه و ضبطیه نظارت لریه ارسالی اقتضا ایدرکن
بعض محاکمه دفاتر مذکوره اصول و نظامنه توفیقاً
تنظیم و اولجه کوندریلان نمونه به تطبیقاً ترسیم
قلندیغنی کی شهرتدن یالکر محکومک اسمی آکلا-
شیلوب پدرینک اسمی ولقی ذکر ایدلماکده و وقت
وزمانیه ارسالنده دقت و اعتنا اولنماقده اولدیغی
جهتله بو مثللو سهویات و تأخیراته سببیت و یرن
محاکم باش کاتبری حقهنده قانون مذکورک در تیوز

قرق التجی ماده رنده تصریح قلنان معامله نظامیه نك
اجراسی یعنی بهر سهو ایچون ایکی وقت و زمانیه
کوندر لمدیکی حالدہ درت عدد عثمانلی التونی جرای
تقدی اخذیله عدلیه وزنه سنه ایصالی خصوصتک
بالجمله ولایات استیناف محاکمی مدعی عمومی ملکر یله
الویه مستقله بدایت محاکمی مدعی عمومی معاوندلکر
ینه تعمیماً از باری امور جزایه مدیر یتندن افاده
و اشبو محریرات عمومی نك نسخ مطبوعه کافیه سی
لفاً ارسال قلمش اولغله اولوجهله ایجابتک اجراسی
اسبابتک استکماله همت اولغسی سیاقنده

(یوز یکر می طقوزنجی نومرولی جریده محاکمه)
(مندرج اعلامک بقیه سی)

بولنانر ذمتر ینک مذکور فروتک بدل اجاره رندن
تسویه سی خبازان قومیسو نتیجه تنسیب ایدیلوب
ایجابی دردست اجرا بولندیغنی بیان اولغمدن ناشی
هر قدر اجار اتندن سنوی بر مقدارک ویرلسیله ایفای
دین ایدیه جکی اکلایغده ایسه ده خزینة جلیله نك
بویله برقرار و اعلاقی کورلمش اولسه املاک
مزبور نك بیک لیرادن زیاده صاتیله جغنی درکار
و مصالح افلاستیک کایدیغنی جریانہ دقت ایتمک درجه
اولی محکمه سنک چله وظائفندن اولغله ژوژ قومیسر
وسندیکرک تقصیراتی وقوعده عزل ایتمک مجبوریتی
بیدار و تقصیراتی بولنان مر قوم مفسلرک اموال
واملاکتک اصحاب مطلوبه توزیعیه اوست طرفی
ایچون مفسلردن الاجقلی قاله جقندن اموال
واملاکتک قیمت حقیقه سیله بیع اولنامسی کورک
مفسلرک و کرک اصحاب مطلوبک معذور یتنی مستلزم
اوله جغنی آشکار بولنش اولدیغندن وفرون کدکارینه
منحصر دیوانتک ایشلکده بولنان فرونر اجاره رندن

اولدیغنه دائر شهر امانتندن برقطعه تذکره کتور یله
جکی افاده اولنش ایسه ده مجموع دینک مفسلر نامنه
مقید اولدیغنی ویرکو امانتک مارالذکر جوابنامه
سنده محرر اولسیله شهر امانتندن کتور یله جک
تذکره نك ویرکو امانتک تذکره سنه تقدم ایدیه
جکندن برکونه حکم وتأثیری وخصوصیله کندوسنه
جهت تعلق اوله میه جغنه و اولسد اولسه خزینہ
ایله امانت علیهنه اقامه دعوی ازلتمق مقتضی
ایدوکنه ویرکو امانتک تذکره مجبوره سنده ایسه
ایشلکده بولنان بوقوله فرونر ذمتر ینک بدل
ایجادن تسویه سی خبازان قومیسو نتیجه تنسیب
ایدیلوب ایجابی دردست اجرا اولدیغنه دائر بر سوز
اولدیغندن اعطای جوابه حاجت کور یله مدیکنه
ومفسلرک حصه لری رسماً و علناً مزایده اولدیغنی
صره ده سندیکر طرفندن بویولده برکونه ادعا
واعترض در میان ایدلیدیکنه و مزایده نظامی
دائره سنده بالاجرا کندی عهده سنده تقرر ایدرک
مستری ایله بایع یلنده تماماً عقد وقوعه بولردن
صکره بوادعاره قاتقشلس قبول اولنه میه جغنه
وبالفرض املاک مزبوره نقصانہ صاتیلوبده ماسه
متضرر ارسه بیله بوسورت مسیبلر ینک مسؤیتمی
منتج اولوب کندوسنه شمولی بولندیغنه مبنی اعلامک
تصدیق و ضرر وزیانک مستأنفله تضمین ایتدیرلمسی
محرردر
طرفین استجواب اولندقدہ مستأنفله لایحه لری
مندرجاتی تکرار و مستأنف علیه وکیلی خزینة
جلیله طرفندن مفسلک ماسه یه عائد اولان کافه املاکی
جز اولوب موکلی طرفندن تسویه دین ایدلیدیکی
صره ده جز مزبورک خزینہ طرفندن قالدیرلیدیغنی
افاده ایشلر ایسه ده اوراقتک مطالعه سی ضمنده ایش
وقت آخره تعلق قلمشیدی

مؤخرأ مستأنف بولنان سندیکر دن سرکز و دیگر ینک
وکیلی نارلیان مانوق افندیلر و مستأنف علیه وکیلیله
برابر کلهرک دوسیه دروننده بولنان اوراق بعد
المطالعه طرفین استجواب اولندقدہ مستأنفله لری
خرستای افندینت وکیلی نارلیان مانوق افندی
مستأنف علیه دین میری بی دفعه تأدیہ ایتدیرک
تقسیمه ربط ایلمسی ماسه نك برکونه استفاده سنی
موجب اوله میه جغنی جهته املاک مذکور نك
صاننامسی هر حاله موافق مصلحت اوله جغنی و علی
الخصوص دین میری مفسلره منحصر اولوب فروتک
دیگر حصه دارلر ینک دخی اشتراکی بولندیغندن یا لکر
مفسلرک حصه سندن تسویه ایدیه میه جکنی و مستأنف
علیه وکیلی دین میر ینک تأدیہ سی شرطی حاوی اجرا
دائره سنده بولنان مزایده بوصله سندن و دین واقعک
یا لکر درت کشی به عائد اولدیغنه دائر کتور جکی
تذکره دن افادات واقع نك بی اساس ایدوکی تبین
ایده جکنی سو بوللریله مذکور اوراق کتور مسی
مستأنف علیه وکیلنه تبیه اولنه رقی ایش وقت آخره
تعلق قلمشیدی
بعده طرفین کلهرک بواشه دائر ایکنجی محکمه تجارتدن
ویرکو امانتہ یازیلان تذکره ایله جواب و مزاد
بوصله سی و محکمه تجارت اجرا مأمور یتندن
خصوص مزبوره دائر بعض معامله قیدینک اخراج
ایتدیر یلان صورتی بالمطالعه مذکور جوابده اظهار
افلاس ایدن صاری یار فرونی اتمکچیلرندن یتمش اوج
بیک اوچیو زطقسان التي غروش مطلوب خزینہ قالمش
اولدیغنی و اشبو مطلوب خزینہ فرونه وکدکاره
مشروط اریلوب مذکور فرون اوسته لری بولنان
سرکز و کفور و اقوب و نشان نام کسنه لره منحصر
بولندیغنک قیداً اکلایغدیغنی محرر بولنش و مذکور
صورت مندرجاتندن صاری یارده کائن یکر می بار کیر

اعتباریله ملك و كندك بر باب فرونگ مزاد پوصله سنده
 كوستردیكى وجهله ارن اوچ بار كیر بش منج
 حصه سی الی بريك غرو شده مر جکیان اغیا اوزرنده
 قالمش اولدیندن مفلسرك زوژ قومیسرو سندیكاری
 حاضر اولدقلى حالدہ اجرا دائره سنده صوك
 مزایده نك اجرا سنده مباشرت اولنه جنی صروده
 سندیک فرونگ خزینہ جلیله یه لیر اوز غروش حسابیله
 یتش بیک غروش دینی اولوب ابتدای امرده دین
 مذکورک تسوییه سی اقتضای حالدن بولمغله طالبلك
 دین مذکورى تعهد و ایفا ایتمک شرطیله ضم ایتمک
 بیان ایلمی اوزرینه بوشرط ایله مومی الیه اغیا
 طرفندن یکر می ایکیک غروش ضم ایله فرون حصه سی
 بدلی یتش اوچبیک غروشه ابلاغ ایدلمش و بوحصه یه
 ذکر اولنان شرط ایله خبازان جمعیتده بولنان اصنافدن
 طالب بولندیغی دخی خبر و یرلمش اولمغین مزایده یه
 دوام ایله برار صوك مزایده نك اجرامی کله جک
 هفته یه تعلیق اولنه رق خبازان جمعیتده کیدوب بیان
 حال ایلمی منادی یه تفهیم قلندیغی مستفاد اولمشدر

نه دیه جکی مستأنفردن صورلدقده سندیک سرکز
 افندی بالاده محرر اجرا جمعیتی پوصله سنك مندرجاتی
 بولنده برکونه افاده لری سبق ایتموب انجق مفلسرك
 حصه سنه التمش بیک شو قدر غروش اصابت
 ایتدیکنک بیان اولندیغی و مفلسرك بورجی یتش
 اوچبیک کسور غروش اولدیغی حالدہ اولقدار دینی
 بولندیغی اقرار ایده میه جکری طبیعی ایدوکنی بیان
 و دیگر سندیک و کیلی نارلیان مانوق افندی مر قومک
 افاداتی تأیید بولنده اداره لسان و مستأنف علیه
 و کیلی اجرا مأمور یتنک معامله قیدیه کندی ادعاری
 موقع ثبوته ایصال اولندیغی اتیان و اولنان سؤال
 اوزرینه بشقه بر دیه جکری قالدیغی طرفین در میان

ایلد کاردن محاکمه لرینک ختام بولدیغی افهام ایله وقتک
 عدم مساعد سندن ناشی ایشک مذاکره سی یوم آخره
 تعلیق قلمشیدی

بونک اوزرینه ایجاب کیفیت لدی المداکره مستأنفردن
 بالاده بیان و ایضاح ایتدکاری اسباب طویلا یی اعلام
 مستأنف بهک فسحنی طلب ایشکرایسه ده اعلام
 مذکورده کوسه ترادیکی اوزره اصل دین مالیه
 خزینة جلیله سنه عائد اولوب ویرکو امانت علیه سندن
 توار دین تذکره جوابیه ده دخی مجموع دینک بالذات
 مفلسر نامه مقید ایدوکی اشعار ایلمسنه و مفلسر
 بونک - لافنی شهر امانتندن کتوره جکری تذکره
 ایله اثبات ایده جکری لایحه لرنده ذکر ایدرک
 حالبو که شمعی یه قدر بویله برتذکره کتور یله مدیکندن
 بو بایده برشی ذیله میه جکنه و دین میرینک اتمکچیلر
 نامه اولدیغنه دائر بر قیده ظفر یاب اولنه مدیغی
 و مذکور فرون و دکر مانک حجج شرعیه مو حینجه
 حصه دارانک اسملری و سهملریه اصابت ایدن دین
 میر یلرینک تقسیمی حاوی اسناد ایتدکاری تذکره لر
 ویرکو امانت علیه سنک مارالبیان تذکر سندن مقدم
 تاریخی بولند قلدن اشبو تذکره اخیر نك احکام
 مندرجاتی جرح ایده میه جکرینه و مستأنف علیه
 کرک خزینة جلیله یه و کرک ماسیه عائد ایلان مبالغی
 وقت وزمانیله تسوییه و ایفا ایلدیکی خزینة جلیله
 و کیلنک اقرار و اعترافی تخمنده بولنیه شرط مزایده
 تماماً ایفا ایلدیکنه و شاید شرط مذکورده برکونه
 سهو وقوعیله بوندن طولای بتضرر اولش ایسه
 بو صورتک مستأنف علیه تعلیق کور یله میوب مسیبلرک
 مستلزم مسؤلیتی اوله جفنه بناء اعلام مذکورک
 تصدیقیله اعتراضات سارونه نك تدقیقه محل قالدیغنه
 و برهوجب دعا مذکور فرونگ اجرائی فراغی
 ضمنده اجرا مأمور بینه معامله متقضیه نك ایفاسی

جنحه و جنایت درجه سنده دیگر فعلاری دخی مثبت
 اولدیغی جهته سائر مواد قانونیه ایله اتهام لر یله
 اسباب مشده نك مضبطه اتهامیه ده ذکر و تصریح
 اولتماش اولدیغنه و سائر بعض نواقصه دائر اولوب
 بو احوال هیئت اتهامیه جه اجتماع اولنان ادعاه
 مندرج اولماسندن نشأت ایتش ایسه ده قانوناً اتهام
 مضبطه سی خارجنده اقامه دعوی اولنه میه جنی
 جهته جرایم ثابتدن بعضی لرینک جزاسز قلمسنی
 منتج اوله جنی و مظنون علیه لک ویردکاری مستند
 عیالک دخی قرائت اولدیغنه دائر مضبطه ده صراحت
 اولدیغی مذکور استدعا نك جمله مندرجاتندن
 بولمشدر

ازومنه و اون بشکک جزای تقدی ایله مصارف محاکمه
 اوله رق زرده مرتجعاً اوچوز اوتوز بش غروشک
 مستأنفردن رجوع ایتمک اوزره مستأنف علیه دن
 السنه فی ۱۹ مابس سنه ۹۷ تاریخده درجه
 ثابته اکثریتله قرار و بویله رک طرفین بوکون
 کلدکارندن کتور یله تفهیم قلندی

(فی ۲۳ ذی الحجه سنه ۹۸ و فی ۴ تشرین ثانی)
 (سنه ۹۷ تاریخی و درت یوز اوتوز الی)
 (نومرو سیله محکمه تمیز جزا دائره سندن اعطا)
 (قلنان اعلامک صورتیدر)

قطع طریق و قتل و عصب کبی فضا یحیدن طولای
 مظنون علیه اولان مهاجرین چرا کسه دن حاجی
 کیر اوغلی مچین و کراری مینجه و پیره و نعمان وردقای
 سارهرسی حقنده آیدین ولایت هیئت اتهامیه سی
 طرفندن و یریلان مضبطه نك فسحنی مغله مدعی
 عوموسی استدعا ایتش اولمغله اولباده اولان اوراق
 باش مدعی عومیلک مأموریت بهیمه سندن فی ۲۵
 ذی القعدة سنه ۹۸ و فی ۶ تشرین اول سنه ۹۷
 تاریخی ویدی یوز فرق طقوز نومر ولی تبلیغنامه ایله
 محکمه تمیز جزا دائره سنه اعطا قلمشدر
 مضبطه مذکورده مائی اوراق تحقیقه ده مر قومونک
 جنایتله اتهام لرینه کافی دلائل و امارات موجود
 اولوب بونره اسناد اولنان فعل دخی یوز یتش
 درنجی ماده قانونیه نك فقره اخیره سیله التمش
 اوچنجی ماده حکمنی مستلزم افعال جنایتیه دن اولد
 یغندن جنایتله اتهام لرینه اقرار و یرلدیکنی مییندر
 مفسوخیت استدعا سنک خلاصه مندرجاتی مر قوملرک

تبلیغنامه ده دخی اسباب مشده نك تعیینی حکم و یرمک
 وظیفه سیله مکلف بولنان محکمه یه عائد ایکن مدعی
 عومینک ادعا ایتدیکی بر ماده نك مضبطه یه عدم
 درجندن طولای مفسوخیت ایجاب ایتیه جکی کبی
 اوراق دعوانک کاملاً قرائت اولنه رق ضبط کاتبی
 طرفندن هیئته اعطا قلندیغی متن مضبطه ده مصرح
 و علی الخصوص جنایتله اتهامی متضمن بولنان بومثلاو
 مضبطه لر علیه نه مفسوخیت ادعاسی ایکوز الی
 درنجی ماده ده محرر اسباب ار بعیه منحصصر
 اولدیغنه نظراً ادعای واقع اسباب فسحنی دن معدود
 اولدیغی کوسترلمشدر

ذکر اولنان تبلیغنامه ده بیان اولندیغی وجهله هیئت
 اتهامیه مضبطه لرینک مفسوخیتی اصول محاکمات
 جزاییه قانون موقتک ایکوز الی درنجی ماده سنده
 تعداد اولنان درت سببه مختص و منحصصر اولسیله
 انلرک خارجنده در میان ایدیلان اسباب و احوال قانوناً
 موجب مفسوخیت اوله میه جفنه و اعتراضات
 مذکورده دخی بوقیلدن اولوب بونده اسباب ار بعیه
 قانونیه دن بری موجود اولدیغنه مینی ذکر اولنان

مفـ و خیت ادعا نك ردیله اوراق مر قومه نك محلنه
اعاده سنه قرار ویرادی

اعلانات

متوفی قره بت بازار کاک ۹۸ ۱۹۶ اعلام موجب خزینه
اوقاف همایونه دینی بولنان مبالغ معلومه نك تسویه سنه
ورثه سی صوفی وافتی و پوپوله و سبوح صورت
کوستر مدکارندن خزینه اوقاف همایوندن مضبوط
سلطان عبد الحمید خان حضرتلری وقفی ملحقاندن
مرحوم عبدالله اغاوقفی مستقلاندن قوزغنجق
وراسنده کائن سنوی الی غروش اجاره لو طریق
وصو یوللرینه ترک اولنسان محللردن ماعدا یدی
قطعه ده یکر می یدی بیک اوچیوز التمش ایکی زراع
درت یرمق عرصه ده متوفای مومی الیهک متصرف
ارلدیغی نصف حصه شایه سنک جز یله فروختی
خزینه جلیله و کیلی طرفندن استدعا اولنسنه بنا
اعطا اولنان قرار موجب ذکر اولنال نصف حصه
شایه سی تحت حمزه النهرق فروخت اولنه جغی
ورثه متوفای مومی الیه باورقه مخصوصه یلدرلمش
اولدیغی حالده ینه دینک تسویه سنه صورت کوستر
مامش اولدقلرندن تاریخ اعلانن اعتباراً اون بش
کون صکره محل مذکور بلزایده فروخت ایتدیر یله
جکی بک اوغلی بدایت محکمه سی اجرا مأموریتی
جانبدن اعلان اولنور

فی ۱۰ کانون اول سنه ۹۷

نومرولی دکان ایله کدکنک ثلث حصه سی بوندن
اقدم مزایده قونیلهرق اون طفرز بچق لیرا بدل
ایله طالبی عهده سنده تقرر ایلدیکندن یوزده بش
ضمیمه زیاده طالب اولنلر وار ایسه تاریخ اعلانن
اوتوز برکونه قدر درسمات مرکز اجرا دأره سنه
مراجعت ایللری اعلان اولنور

فی ۲۵ تشرین ثانی سنه ۹۷

طقسان یدی سنه سی تموز ینک یکر می اوچنچی جمعه
کیجه سی علم طاغنده کائن شرقه طوغری بولنان
چنار اغاچنک دینه درت بیک ایرا وضع اولنمز ایسه
حیاتی تهله که ده قاله جغنه دأر بک ارغلنده تسمیده
کائن بکیان طاطیوس افندی یه مکتوب کوندرسندن
طولایی جنایتله اتهام اولنان زوجهی تبعه دولت
علیه دن اورته بویلی یکر می ایکی یاننده مارغریت
خاتون بنت اماسیان افندی اثنا تحقیقاتده فرار
وغیبو بت ایدرک شمیدی یه قدر میدنه چیقید یغندن
طرف ریاستدن بوکره کندوسنه مجدداً اوکون مهل
ویرلمش اولغله مدت مذکور ظرفنه اثبات وجود
ایتمز ایسه قانونه اطاعت ایتمش ندر یله باقیله رق
حقوق مدینه دن اسقاط قلنه جغی و محاکمه غیایه سی
اثنا اموالی حمز ایدیله جکی و بو ائنده برکونه
دعوی اقامه سنه حتی اوله میه جغی و کندوسنک
بولندیغی محلی ییلنلر خبر ویرمه که وبالجمله ضابطه
عدلیه نك کندوسنی اخذ و گرفته مجور بولندقلری
معلوم اولق اوزره اعلان کیفیته ایتار اولندی

فی ۲۹ محرم سنه ۹۹ وفی ۹ کانون اول سنه ۹۷

خلیل افانک جمال الدین بکه دینی بولنان مبالغ
معلومه نك تأمین استیفاسی ضمننده مرهون اولان
تحت قلعه ده قوطوجیلر دروننده کائن اوتوز طقوز